



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Confirmatio Decretorum.

urn:nbn:de:hbz:466:1-40834



CONFIRMATIO DECRETORUM

*Congregationis S. R. E. Cardinalium
Concilii Tridentini Interpretum,
super celebratione Missarum , etiam
cum declarationibus , & innovatione
Decretorum ab eadem Congregatio-
ne , auctoritate fel. rec. Urbani Pape
VIII. desuper alias factorum.*

INNOCENTIUS EPISCOPUS
Servus servorum Dei.

Ad perpetuam rei memoriam.

NUPER à Congregatione venerabi-
lium Fratrum nostrorum , S. R. E.
Cardinalium Concilii Tridentini In-
terpretum prodierunt Decreta tenoris infra
scripti , videlicet .

Alias super celebratione Missarum , ac pro-
hibitione illas moderandi , seu reducendi abs-
que Sedis Apostolicæ licentia , nec non super
earumdem oneribus perpetuis suscipiendis , &
Religiosorum numero ultra redditus , & con-
suetas eleemosynas locorum Regularium non
habendo , emanarunt ab hac sacra Congrega-
tione S. R. E. Cardinalium Concilii Tridentini
Interpretum , auctoritate per fel. recor. Ur-
banum Papam VIII. illi specialiter attributa,
quamplura Decreta tenoris sequentis.

Cùm sæpe contingat in quibusdam Ecclesiis tam magnum Missarum celebrandarum numerum , ex variis Defunctorum relæctis , aut piorum eleemosynis impositum esse , ut illis pro singulis diebus præscriptis nequeat satisfieri , & tamen nova onera Missarum in dies suscipiantur ; indeque fiat , ut depereant piæ Testantium voluntates , obstricta Benefactoribus fides violetur , Defunctorum animæ suffragiis priventur , Ecclesiis debitus subtrahatur cultus , ac Christi fideles gravi scandalo affecti , plerumque à similibus charitatis operibus retrahantur : Cùmque his malis maximum inter cætera fomentum præbeat , aut quod ii , qui Missas supra vires celebrandas suscipiunt , sperent illas brevi ad pauciorem numerum à Superioribus reductum iri ; aut quod Ecclesiis sorte pecuniarum absumpta , plerumque nuda remaneant onera Missarum , absque ullo emolumento , aut quod eleemosyna pro illis celebrandis sit adeò tenuis , ut non facilè inveniantur , qui velint huic se muneri subjicere , & redditus Ecclesiæ , aut Monasterii adeò exigui , ut Sacerdos pro necessaria sua sustentatione novis se oneribus obstringere compellatur . **Sacra Congregatio Cardinalium Concilii Tridentini Interpretum animadvertisens , facturam** se rem Deo gratissimam , charitatique , ac justitiæ maximè consentaneam , si pro viribus satagat , hunc teterrimum abusum è Christiana Republica convellere , atque eradicare , Sanctissimi D. N. Urbani divina Providentia Papæ VIII. auctoritate sibi specialiter attributa , infra scripta Decreta edidit .

Ac primò districtè prohibet , atque interdit , ne Episcopi in Diœcesana Synodo , aut Generales in Capitulis generalibus , vel alias quoquo modo reducant onera ulla Missarum

278 *Bulla Innocentii XII.*

celebrandarum , aut post idem Concilium im-
posita , aut in limine fundationis , sed pro his
omnibus reducendis , aut moderandis , vel
commutandis ad Apostolicam Sedem recurra-
tur , quæ , re diligenter perspecta , id statuet;
quod magis in Domino expedire arbitrabitur;
alioquin reductiones , moderationes , & com-
mutationes hujusmodi , si quas contra hujus
prohibitionis formam fieri contigerit , omnino
nullas , atque inanes decernit.

Deinde ubi pro pluribus Missis , etiam ejus-
dem qualitatis celebrandis , stipendia , quan-
tumcumque incongrua , & exigua , sive ab
una , sive à pluribus personis collata fuerunt,
aut conferentur in futurum Sacerdotibus , Ec-
clesiis , Capitulis , Collegiis , Hospitalibus ,
Societatibus , Monasteriis , Conventibus , Con-
gregationibus , Domibus , ac Locis Piis qui-
buscumque , tam Sæcularibus , quam Regula-
ribus ; Sacra Congregatio sub obtestatione
divini Judicij mandat , ac præcipit , ut absolutè
tot Missæ celebrentur , quot ad rationem attri-
butæ eleemosynæ præscriptæ fuerint , ita ut
alioquin ii , ad quos pertinet , suæ obligationi
non satisfiant ; quinimmo graviter peccent ,
& ad restitutionem teneantur.

Id verò , ut deinceps observetur exactius ,
sacra Congregatio eadem auctoritate revocat
Privilegia , & Indulta omnia quibusvis perso-
nis , Ecclesiis , ac Locis Piis , tam Sæcularibus ,
quam Regularibus cujuscumque Ordinis , Con-
gregationis , & Instituti , quamcumque ob-
causam concessa , quibus indulgetur , ut certa-
rum Missarum , vel Anniversariorum celebra-
tione , aut aliquibus Collectis , seu Orationi-
bus plurium Missarum oneribus in futurum
fusciendi satisfiat.

Ac similiter omne damnabile lucrum ab Es-

clesia removere volens, prohibet Sacerdoti, qui Missam suscepit celebrandam cum certa eleemosyna, ne eamdem Missam alteri, parte ejusdem eleemosynæ sibi retenta, celebrandam committat.

Præterea, ne in Ecclesiis, in quibus onera Missarum in perpetuum imposita sunt, Sacerdotes in eis, ut par est, adimplendis eò teplidores, ac segniores reddantur, quod onera hujusmodi cum nulla, aut parva sint utilitate conjuncta; statuit, atque decernit, ut pecuniae, ac bona mobilia Ecclesiis, Capitulis, Collegiis, Hospitalibus, Societatibus, Congregationibus, Monasteriis, Conventibus, ac Locis omnibus, tam Sæcularibus, quam Regularibus, atque illorum personis in futurum simpliciter acquirenda cum onere perpetuo Missarum celebrandarum ab iis, ad quos pertinent, sub poena Interdicti ab ingressu Ecclesiæ ipso facto incurrienda à die realis acquisitionis, statim deponi debeant penes Aëlem sacram, vel personam fide, & facultatibus idoneam, ad effectum illa, seu illorum pretium quam primum investiendi in bonis immobilibus fructiferis cum expressa, & individua mentione onoris; quod illis annexum reperitur.

Ac si eadem bona immobilia auctoritate Apostolica deinceps alienari contigerit, eorumdem pretium, sub eadem poena, ut supra, deponi, atque in aliis bonis stabilibus itidem fructiferis cum ejusdem onoris repetitione, atque annexione converti debeat.

Ad hæc, Sacra Congregatio quibusvis Capitulis, Collegiis, Societatibus, & Congregationibus, nec non omnibus, & singulis Ecclesiæarum, ac piorum locorum, tam Sæcularium, quam Regularium Superioribus, vel aliis, ad quos pertinet, districtè prohibet, ne

impostorum onera perpetua suscipiant Missarum celebrandarum, Sæculares quidem sine Episcopi, vel ejus Generalis Vicarii, Regulares vero sine Generalis, vel Provincialis consensu, & licentia in scriptis, & gratis concedenda; alioquin Sæcularis, qui hujus prohibitionis transgressor extiterit, ab ingressu Ecclesiæ interdictus sit eo ipso: Regularis vero pœnam privationis omnium Officiorum, quæ tunc obtinebit, ac perpetuae inhabilitatis ad alia de cætero obtainenda, vocisque activæ, ac passivæ, absque alia declaratione incurrat.

Eleemosynas vero manuales, & quotidianas pro Missis celebrandis ita demùm iidem accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant ab hujusmodi eleemosynis, etiam sponte oblatis in futurum recipiendi, & capsulas auferant ab Ecclesiis cum inscriptione illa: *Eleemosyna pro Missis*, vel alia simili, sub iisdem pœnis ipso facto incurrendis, ne Fideles hac ratione frustrentur.

Episcopus vero, seu ejus Vicarius, aut Generalis, vel Provincialis, ubi de licentia pro perpetuis oneribus fuerint requisiti, in singulis casibus diligenter inquirant, de singulis Missarum celebrandarum obligationibus, cuique Ecclesiæ, Monasterio, aut loco pio incumbentibus; nec antea assensum hujusmodi, aut licentiam præbeant, quam eis legitimè constiterit, illius Sacerdotes tam novo oneri suscipiendo, quam antiquis jam susceptis satisfacere posse, præcipuumque rat' onem habeant, ut redditus, qui Ecclesiis, & locis piis relinquuntur, omnino respondeant oneribus adjunctis secundum morem cujusque Civitatis, vel Provinciae, intelligentque, si in re tanti mo-

menti desides , aut negligentes fuerint , in no-
vissimo die se hujus prætermissi muneris ratio-
nem esse reddituros.

Postremò Illustrissimi Patres non sine gravi
animi dolore intelligentes , mala ferè omnia,
quæ Regularem disciplinam evertunt , ac præ-
cipue nimiam hanc facilitatem fovent , in one-
ribus Missarum supra vires suscipiendis , veluti
ex infecta radice , pullulare ex majori Regu-
larium numero , quām ferant redditus , & ele-
mosynæ cujusque Monasterii ; inhærentes sum-
morum Pontificum , ac sacrī Tridentini Con-
ciliī Decretis , hac de re editis , sanctissimū
Domini nostri auctoritate præcipiunt , ac man-
dant omnibus , & singulis Generalibus , Pro-
vincialibus , Commissariis , Ministris , Præsi-
dentibus , Abbatibus , Prioribus , Præpositis ,
Guardianis , Vicariis , & quibuscumque aliis
Superioribus Monasteriorum , Conventuum ,
ac Domorum Regularium , bona immobilia
possidentium , vel non possidentium , cujuscum-
que Ordinis , Congregationis , & Instituti exis-
tentium intra fines Italiæ , & Insularum adja-
centium , ut singuli , ad quos pertinet in qualibet
Provincia , adhibitis duobus , aut tribus
Regularibus sui Ordinis , vel Congregationis
probationibus , & rerum usu peritioribus , bona
immobilia , census , redditus , & proventus
omnes , consuetas item eleemosynas , & ob-
ventiones tam communes Monasteriorum ,
Conventuum , & Domorum ejusdem Provin-
ciæ , quām etiam singularibus personis Reli-
giosis assignatas , seu permissas in communem
ufum deinceps conferendas , decem annorum
immediatè præcedentium habita ratione dili-
genter , & mature recognoscant , iis omnibus
detractis , quæ reparations , præstationes ,

grandines, stetilitates, aliave cuiuslibet generis onera confueverunt absorbere.

Eaque omnia scripto fideliter exarata, idem Superior, cuius interest, in proximo Capitulo, seu Congregatione generali, vel Provinciali coram tribus Judicibus ab ipsomet Capitulo, seu Congregatione diligendis proponat, qui computatis hujusmodi redditibus, eleemosynis, & obventionibus universis, & oneribus, ut supra detractis sedulo examinent, quot Religiosi homines connumeratis etiam Laicis, aliisque necessariis servientibus in unoquoque Monasterio, Conventu, & Domo regulari juxta regionis, & proprii instituti morem, victum, & vestitum, & medicinalia in communi habentes, competenter valeant sustentari. Tum eorumdem bonorum, reddituum, eleemosynarum, & onerum præcisam notam ipsimet Capitulo, seu Congregationi exhibeant, ut in illo diligenter omnibus discussis, cuiusque familie Monasterii, Conventus, ac domus Regularis in singula quaque Provincia certus earum tantum personarum numerus, Patrum capitularium voto præfigatur, quæ redditibus, eleemosynis, & obventionibus, ut superius sufficienter ali possint.

Ne vero Superiores, qui id præstare debent, seriūs, aut remissius, quam par est, suo muneri satisfaciant; mandat sacra Congregatio, ut infra annum, post proximum Capitulum generale, vel Provincialle computandum, omnia hoc de genere capitulariter gesta, in authenticam formam redacta, ad sacram ipsam Congregationem Concilii singuli mittant.

Numerumque familie, singulorumque Conventuum, Monasteriorum, & Domorum hu-

iusmodi Regularium, Capitali, seu Congregationis generalis, vel Provincialis sententia, & auctoritate præfinitum, iidem Superiorum tam Generales, & Provinciales omnes, quām locales perpetuō servare omnīō teneantur, nec possint illum quoquo modo augere, etiam prætextū augmenti reddituum, absque sacrae ipsius Congregationis licentia; Superiorum autem hujusmodi, qui prædicta omnia in præfixo termino non præstiterint, vel numerum, ut supra præscriptum, quovis modo augere præsumperint, privationis omnium Officiorum, quæ tunc temporis obtinebant, vocisque activæ, & passivæ, & ad omnia suæ Religiosis officia & gradus inhabilitatis perpetuam pœnam eo ipso incurrere, atque aliis etiam gravioribus à Sede Apostolica infligendis pœnis sacra Congregatio subjacere voluit, & declaravit.

Deinceps verò Monasterium, Conventus, Domus, Congregatio, vel Societas Religiosorum, seu Regularium nullibi recipiatur, nisi præter alia ad id requisita, in singulis hujusmodi locis duodecim saltem Fratres, aut Monachi, seu Religiosi degere, & ex redditibus, & consuetis eleemosynis detractis omnibus, ut supra detrahendis, competenter sustentari valeant ad præscriptum Decreti fel. rec. Gregorii XV. hac de re editi; alioquin Monasteria, & loca hujusmodi posthac recipienda, in quibus duodecim Religiosi, ut supra sustentari, atque inhabitare non poterunt, & actu non inhabitaverint, Ordinarii loci visitationi, correctioni, atque omnimodæ jurisdictioni subjecta esse intelligantur.

Porrò, ne ullo unquam tempore hæc in oblivionem, seu desuetudinem abeant Superiorum locales cujusque Monasterii, Conventus,

284 *Bulla Innocentii III.*

ac domus Regularis, curare, atque efficere te-
neantur, sub pena privationis Officii, vocis-
que aetivæ, & passivæ ipso facto incurrienda,
ut in perpetuum, sexto quoque mense, id est
feria secunda post primam Dominicam Adven-
tus, & feria sexta post Octavam Corporis
Christi, presentes ordinationes in publica
mensa perlegantur.

Omnibus tam Ecclesiasticis personis cujus-
cumque sint Ordinis, conditionis, & gradus,
quam Laicis quocumque honore, & potestate
praeditis, praesentia Decreta declarandi, vel
interpretandi facultate penitus interdicta.

Non obstantibus, quod supra scripta om-
nia, & singula in praesentibus Decretis conten-
ta, Constitutionibus, & Ordinationibus Aposto-
licis in favorem quarumcumque persona-
rum, atque Ordinum tam Mendicantium,
quam non Mendicantium, Militiarum etiam
sancti Joannis Hierosolymitani, Congregatio-
num, Societatum, ac cuiuslibet alterius Insti-
tuti, etiam necessario & in individuo exprimendi,
Ecclesiarum, Monasteriorum, Conven-
tuorum, Collegiorum, Capitulorum, Hospi-
talium, Confraternitatum, & aliorum quorum-
cumque tam sacerdotalium, quam Regularium
locorum, nec non illorum, etiam juramento,
confirmatione Apostolica, vel quavis firmita-
te alia roboratis, statutis, & consuetudini-
bus etiam immemorabilibus, Privilegiis quo-
que, Indultis, & litteris Apostolicis, etiam
Mari magno, seu Bulla aurea, aut alias nun-
cupatis, sub quibuscumque tenoribus, & for-
mis, ac cum quibusvis etiam derogatoriis
derogatoriis, aliisque efficacioribus, & info-
litis clausulis, nec non irritantibus Decretis,
etiam motu proprio, & ex certa scientia, ac
de Apostolicæ potestatis plenitudine, aut alias

quomodolibet , etiam per viam communica-
tionis , seu extensionis concessis , & iteratis vi-
cibus approbat , & innovatis , etiam si pro
illorum sufficienti derogatione de illis , eorum-
que totis tenoribus , & formis , specialis , & in-
dividua , ac de verbo ad verbum , non autem
per clausulas generales , mentio , seu quævis
alia expressio habenda , aut aliqua alia exqui-
sita forma servanda esset , tenores hujusmodi ,
ac si de verbo ad verbum , nihil penitus omis-
so , & forma in illis tradita observata , inserti
forent , præsentibus pro expressis habens , qui-
bus quoad ea , quæ præsentibus adversantur ,
illis alias in suo robore permansuris , sacra
Congregatio Sanctitatis suæ auctoritate specia-
liter , & expressè derogat , cæterisque contra-
riis quibuscumque .

Et ne præmissorum ignorantia à quoquam
prætendi possit , voluit eadem sacra Congrega-
tio , ut præsentes ordinationes in Valvis Basí-
licarum S. Joannis Lateranensis , & Principis
Apostolorum de Urbe , ac in Acie Campi Flo-
ræ , ut moris est , affixæ , omnes , ad quos
pertinet , ita arctent , & afficiant , ac si unicui-
que personaliter intimatæ fuissent .

Utque earundem præsentium transumptis ,
etiam impressis manu alicujus Notarii publici
subscripti , & sigillo personæ in dignitate Ec-
clesastica constitutæ munitis , eadem prorsus
fides adhibeatur , quæ præsentibus adhibere-
tur , si forent exhibitæ , vel ostensæ . Datum
Romæ die 21. Junii 1625.

Cosmus Card. de Torres.

Prosper Fagnanus S. Congreg. Secr.

Ex citatis autem super præmissorum Decre-
torum intelligentia , seu interpretatione infra
scriptis dubiis , prodierunt à memorata Con-

286 *Bulla Innocentii XII.*

gregatione simili auctoritate illi à prefato Urbano Papa octavo specialiter attributa, responsiones , seu declarationes inferiùs apponendae.

Super primo sacræ Congregationis Decreto , de celebratione Missarum , quo prohibetur , ne Episcopi in Diœcesana Synodo , aut Generales in Capitulis generalibus , vel alias quoquo modo , reducant onera ulla Missarum celebrandarum , aut post idem Concilium imposita , aut in limine fundationis.

Quæritur , quid si legatum sit ita tenuit , non sit , qui velit onus illi injunctum subire , et si recurrentum sit ad Sedem Apostolicam pro moderatione oneris , totum aut ferè totum insumendum sit pro expensis ad id necessariis ?

Et quid , si permittatur Episcopo in fundatione , ut possit hujusmodi onera moderari ?

Secundò , super secundo ejusdem Congregationis Decreto , quo cavetur , ut celebrentur tot Missæ , quot ad rationem tributæ eleemosynæ præscriptæ fuerint .

Quæritur , an verba illa [præscriptæ fuerint] intelligenda sint de præscriptione facta ab Offerente , vel ab Ordinario ?

Tertiò , an cùm Ordinarius præscripsit eleemosynam congruam juxta qualitatem loci , personarum , ac temporum , Sacerdotes accipientes stipendium minus congruo , teneantur Missas illis ab Offerente præscriptas celebrare ?

Quartò , an Sacerdotes , qui tenentur Missas celebrare ratione Beneficii , seu Capella , Legati , aut salarii , possint etiam manualem eleemosynam , pro Missis votivis , aut defunctorum recipere , & unico Missæ Sacrificio utrique oneri satisfacere ?

Quintò, posito, quod Testator relinquat, ut celebrentur pro ejus anima centum Missæ, absque ulla præscriptione eleemosynæ.

Quæritur, an liberum sit hæredibus, eleemosynam sibi benè visam præscribere, an verò eadem eleemosyna præscribenda sit ab Ordinario.

Sextò, super tertio Congregationis Decreto, in quo eadem Congregatio revocat Privilégia, quibus indulgetur, ut certarum Missarum, vel Anniversariorum celebratione, aut aliquibus collectis, seu Orationibus, plurium Missarum oneribus in futurum suscipiendis satisfiat.

Quæritur, an verba (in futurum suscipiendis) intelligenda sint de oneribus suscipiendis post Privilégium?

Septimò, super quarto ejusdem Congregationis Decreto, quo prohibetur Sacerdoti, qui suscepit Missam celebrandam cum certa eleemosyna, ne eamdem Missam alteri, parte ejusdem eleemosynæ sibi retenta, celebrandam committat.

Quæritur, an permittendum sit administratoribus Ecclesiarum, ut retineant aliquam eleemosynarum portionem, pro expensis manutentionis Ecclesiæ, Altarium, Inseruentium, paramentorum, luminum, vini, Hostiæ, & similium?

Octavò, an hoc Decretum habeat locum in Beneficiis, quæ conferuntur in titulum, id est, an Rector Beneficii, qui potest per alium celebrare, teneatur Sacerdoti celebranti dare stipendium, ad rationem reddituum Beneficii?

Decimò, an Sacerdotes, quibus aliquando offertur eleemosyna, major solita, pro celebratione Missæ, debeant dare eamdem integrum eleemosynam iis, quibus Missas celebran-

288 *Bulla Innocentii XII.*

das committunt ; an verò satis sit , ut dent celebrantibus eleemosynam consuetam ?

Undecimò , super quinto ejusdem Congregationis Decreto , quo inter cætera statuitur in hæc verba [eleemosynas verò manuales , & quotidianas pro Missis celebrandis] ita demum iisdem accipere possint , si oneribus antea impositis ita satisfecerint , ut nova quoque onera obite valeant ; alioquin omnino ablinneant ab hujusmodi eleemosynis , etiam sponte oblatis in futurum recipiendis , & capsulas auferant , &c.

Quæritur , an hoc Decretum prohibeat absolute , quo minus accipient novas eleemosynas ii , qui acceptis non satisfecerunt , & quid si congruo tempore possint omnibus satisfacere ?

Duodecimò , quid , si offerens eleemosynas , auditio impedimento consentiat , ut Sacerdos Missam celebret , cum primùm poterit ?

Decimo-tertiò ; an poena interdicti , & alias appositæ in eodem Decreto afficiant tam eos , qui accipiunt eleemosynas contra formam ibi præscriptam , quam eos , qui non auferunt capsulas ab Ecclesiis , ut ibidem præcipitur .

Decimo-quartò , an in hoc Decreto comprehendantur illæ Capsulæ , quæ apponi solent in Ecclesiis , in die commemorationis omnium sanctorum , & vulgo dicuntur , [*Capsæ de' Morti.*]

Decimo-quintò , an administratores Ecclesiæ magnæ devotionis , & concursus , possint eleemosynas pro Missis celebrandis accipere , si iisdem Missis , non nisi post longum tempus satisfacere valeant , ne alias cultus Ecclesiæ , & devotio , ac concursus Fidelium , ut aïunt , minuantur ?

Decimo-

Decimo-sextò , quia prohibitio dicti Decre-
ti videtur aliquibus directa solis Capitulis,
Collegiis , Societatibus , Congregationibus ,
nec non omnibus , & singulis Ecclesiarum , &
Piorum locorum , tam Sæcularium , quām Re-
gularium Superioribus , de quibus fit expressa
mentio , non autem privatis Sacerdotibus , qui
tamen comprehendendi videntur sub clausula gene-
rali [& alii ad quos pertinet] supplicatur pro
opportuna declaratione ?

Decimo-septimò , super septimo ejusdem sa-
cræ Congregationis Decreto , quo cavetur , ut
in singulis Monasteriis Religiosorum præfiga-
tur numerus , qui ex consuetis redditibus , aut
eleemosynis commodè possit sustentari .

Quæritur , an ubi hæc præfixio facta jam
fuit in vim similis Decreti san. mem. Pauli V.
absque tamen computatione reddituum , cuius-
que Religiosi , sit denuò facienda , nec-nè ?

Decimo-octavò , an Novitii , ad habitum
regularē admissi , possint admitti ad profes-
sionem in Monasteriis , in quibus habita , ut
supra , præfixione numeri , commodè ali non
possunt ?

Decimo-nondò , super ultimo , quo cavetur ,
ut nullibi recipiantur Conventus Regularium ,
nisi præter alia ad id requisita , duodecim sal-
tem Fratres in eis degere , & competenter sus-
tentari valeant , ita ut alioquin subsint Jurisdic-
tioni Ordinarii .

Quæritur , an hoc Decretum , quod videtur
editum in Ordine ad celebrationem Missarum ,
comprehendat eas Religiones , quæ non con-
sueverunt onera Missarum recipere , ut sunt
Religiones Capucinorum , ac Societatis Jesu ?

Ultimò , an idem Decretum , ubi disponit ,
ut nullibi recipiantur Monasteria , nisi &c. ha-
beat locum in Italia , dumtaxat , ad quam est

restrictum Decretum proximè antecedens, an
verò etiam extrà Italiā.

*Declarationes, seu Responsiones ad
supradicta dubia.*

Sacra Congregatio Cardinalium Concilii Tridentini Interpretum, auctoritate sibi à sanctissimo Domino nostro attributa, ad singula dubia superius proposita, ad hunc modum respondit, videlicet.

Ad primum, et si legatum sit adeò tenue, nihilominus pro reductione oneris, ut supra impositi, ab iis, ad quos pertinet, sedem Apostolicam esse adeundam, quæ absque ulla impensa id statuet, quod magis in Domino è re esse judicaverit: Verumtamen, Si in ipsa Beneficii erectione expressè cautum fuerit, ut liceat Episcopo injunctum onus reducere, ac moderari, legem hanc foundationis, quam Decreta hac de re edita non sustulerunt, esse validam, & observandam.

Ad secundum, esse intelligenda de præscriptione facta ab eo, qui eleemosynam tribuit, non autem ab Ordinario: Quod si tribuens eleemosynam numerum Missarum celebrandarum non præscriperit, tunc tot Missas celebrari debere, quot præscriperit Ordinarius secundum morem Civitatis, vel Provinciæ.

Ad tertium, teneri.

Ad quartum Sacerdotes, quibus diebus tenentur Missas celebrare ratione Beneficii, seu Capellæ, Legati, aut Salarii, si eleemosynas pro aliis etiam Missis celebrandis susceperint, non posse eadem Missa utrique obligationi satisfacere.

Ad quintum, censuit, ubi nullam certam eleemosynam Testator reliquit, esse ab Episcopo præscribendam eleemosynam congruam,

De celebratione Missarum. 291

quæ respondeat oneribus Missarum celebrandarum, secundum morem Civitatis, vel Provinciæ.

Ad extum, ita esse intelligenda.

Ad septimum, respondit, permittendum non esse, ut Ecclesiæ, ac loca Pia, seu illorum Administratores, ex eleemosynis Missarum celebrandarum ullam, utcumque minimam portionem retineant ratione expensarum, quas subeunt in Missarum celebratione, nisi cum Ecclesiæ, & loca Pia alios non habent redditus, quos in usum earumdem expensarum erogare licet possint, & tunc quam portionem retinebunt, nullatenus debere excedere valorem expensarum, quæ pro ipsomet tantum Missæ Sacrificio necessariò sunt subeundæ, & nihilominus eo etiam casu curandum esse, ut ex pecuniis, quæ supersunt, expensis, ut supra deductis, absolutè tot Missæ celebrentur, quot præscriptæ fuerint ab offerentibus eleemosynas.

Ad octavum, non habere locum. Sed satis esse, ut Rector Beneficii, qui potest Missam per alium celebrare, tribuat Sacerdoti celebranti eleemosynam congruam, secundum morem Civitatis, vel Provinciæ, nisi in fundatione ipsius Beneficii aliud cautum fuerit.

Ad decimum, debere absolutè integrum eleemosynam tribuere Sacerdoti celebranti, nec ullam illius partem sibi retinere posse.

Ad undecimum, respondit, non prohibere absolutè; ac propterea, etsi oneribus jam susceptis non satisfecerint, posse tamen nova etiam onera suscipere Missarum celebrandarum, dummodo infra modicum tempus possint omnibus satisfacere.

Ad duodecimum, quamvis onera suscepta infra modicum tempus adimpleri nequeant, si

tamen tribuens eleemosynam pro aliarum Missarum celebratione id sciat, & consentiat, ut illæ tunc demùm celebrentur, cùm suscep-
tis oneribus satisfactum fuerit, Decretum non prohibere, quò minus eo casu eleemosyna ac-
cipiatur pro iisdem Missis juxta Benefactoris consensum celebrandis.

Ad decimum-tertium, has pœnas non ha-
bere locum, nisi in suscepturis onera perpetua
Missarum celebrandarum sine licentia Episco-
pi, vel ejus Generalis Vicarii, aut Generalis,
vel Provincialis.

Ad decimum-quartum, comprehendendi.

Ad decimum-quintum, Non posse, nisi de
consensu eorum, qui eleemosynas tribuunt, ut
supra in responsione ad duodecimum.

Ad decimum-sextum, comprehendi etiam
privatos Sacerdotes.

Ad decimum-septimum, numeri præfixio-
nem esse iterum faciendam, servata forma ul-
timi Decreti hac de re editi.

Ad decimum-octavum, esse admittendos ad
professionem, si aliàs habiles existant, ac dein-
de in aliquo alio Monasterio ejusdem Religio-
nis esse collocandos, ubi commodè ali possint.

Ad decimum-nonum, censuit comprehen-
dere.

Ad ultimum, habere locum extra Ita-
liam.

Cosmus Card. de Torres.

Prosper Fagnanus Sac. Cong. Secr.

Cùm autem super præmissis diversi irreple-
rint abusus, illorumque occasione, quamplu-
res querelæ, & recursus ad Apostolicam sedem
pervenerint; cupiens eadem Congregatio Ca-
dinalium Concilii Tridentini Interpretum hu-
jusmodi detestabiles abusus è Christiana Repu-

blica pro viribus evellere , ac opportunè pro-
videre , ut sublatis fraudibus , ac emendata
negligentia piæ Disponentium , seu Benefacto-
rum voluntati fides illibata servetur , Défunc-
torum animabus integra , & prompta præsten-
tur suffragia , itidemque Deo major gloria , &
Ecclesiis præstantior cultus reddatur , prævia
auctoritate per Sanctorum D. N. Innocentium
divina Providentia PP. XII. ei specialiter attri-
buta infra scripta Decreta , priùs in particu-
lari nonnullorum ex præfatis Cardinalibus per
Sanctitatem suam deputata , & postea in gene-
rali hujusmodi Cardinalium Congregatione
mature , & accuratè discussa , recognita , &
examinata edidit .

In primis , præinserta Decreta cum præ-
missis illorum declarationibus plenissimè , &
amplissimè approbat , confirmat , & innovat ,
omniaque , & singula ibidem contenta , & ex-
pressa iterum omni meliori modo decernit ,
statuit , ac ab omnibus , & singulis etiam spe-
ciali , & individuali nota , seu expressione dig-
nis penitus observari , & omnimodæ executio-
ni demandari decernit , sancit , & præcipit .

Insuper , ut in re tanti momenti consultiūs ,
ac majori , ut par est , circumspectione pro-
cedatur ; si qui forsan fuerint , vel sint , qui
suis pravis , & erroneis intentionibus , seu op-
inionibus blandiri volentes , Missarum celebra-
tionem omittunt sub malitia , vel irrationa-
bili spe earundem condonationem , vel reduc-
tionem à sede Apostolica , vel compositionem
à Reverenda Fabrica sancti Petri de Urbe ob-
tinendi ; Congregatio præfata tum eosdem ,
tum quoscumque alios , qui posthac in adeò
detestabiles abusus ausi fuerint offendere , cer-
tiores fieri , & monitos esse voluit , præfatas
condonationes , & reductiones ab eadem Sede ,

294 *Bulla Innocentii XII.*

non nisi ex rationabili causa , seu aqua com-
miseratione , compositiones verò à dicta Fa-
brica utente suis facultatibus , & Privilegiis,
non nisi ex causa pariter rationabili , & cum
clausulis opportunis , & præterim cum illa;
Dummodo malitiosè non omiserint animo ha-
bendi compositionem , alias gratia nullo modo
suffragetur , admitti consueisse , & solere;
quapropter , ut locus omnis imposterum his-
ce prætextibus præcludatur , memorata Con-
gregatio tales intentiones , opiniones , seu spes,
ac eleemosynarum , sive in toto , sive in parte
*versiones in alium , quām præfatarum Mis-
sarum usum , seu satisfactionem , & quascum-
que alias directas , vel indirectas , immediatas ,*
*vel mediatas contraventiones , seu circumven-
tiones declarat prorsus irrationalibiles , injustas ,*
*& illicitas , illasque omnino reprobat , dam-
nat , & interdicit.*

Cumque hujusmodi absurdia ex eo plerum-
que proveniant , quod onera Missarum supra
vires suscipiantur ; caveant omnes , & singuli
Rectores , Superiores , & Ministri quarum-
cumque tum Sæcularium , tum Regularium
Ecclesiarum , seu illarum Capitula , ne onera ,
seu Missas tum perpetuas , tum temporales ,
tum etiam manuales , quarum satisfactioni im-
pares fuerint , quoquo modo suscipiant , utque
idipsum quicad fieri poterit , pateat , teneantur
iidem confidere , semperque in loco magis pa-
tenti , & obvio retinere Tabellam onerum per-
petuorum , & temporalium litteris perspicuis ,
& intelligibilius descriptorum , quorum im-
plemento , si moraliter , & intra præscriptum ,
seu breve tempus satisfacere non posse , seu
illa dumtaxat , & non ulteriora adimplere pos-
se crediderint , seu credere debuerint , alias
Missas , sive perpetuas , sive temporales , sive

manuales per se , vel interpositas personas quoquo modo recipere , seu acceptare omnino desistant , seu abstineant , & ulterius tali casu in eadem Tabella similiter exprimant sese , propterea aliis Missis acceptandis , & celebrandis impares esse .

Iudemque teneantur pariter in Sacrario duos libros retinere , ac in eorum altero singula onera perpetua , & temporalia ; in altero autem Missas manuales , & tam illorum , quam istarum adimplementum , & eleemosynas distincte , & diligenter annotare , & annotandas , seu annotanda curare , singulisque annis de supradictis adimplementis , eleemosynis , & oneribus pariter exactam rationem suis Superioribus reddere , ac omnes , & singulas rationes hujusmodi in praefatis respectivè libris simili distinctione , & diligentia , tam praefati , à quibus rationes debent reddi , quam Superioris , quibus reddendæ erunt , describere , seu annotare , sive describendas , vel annotandas respectivè curare .

Quibus semper salvis , debeant ulterius Regulares prædicti , omnes , & quascumque eleemosynas tum manualium , tum perpetuarum , & temporalium Missarum reponere in capsa particulari sub duabus clavibus , quarum una penè Superiorē localem , altera verò penè alium à Capitulo Conventuali deputandum retineatur , ac de iisdem eleemosynis , & celebratione Missarum coram Patribus Discretis , seu Consiliariis , vel alio simili modo nuncupatis , singulis mensibus districtam rationem exigere , & respectivè reddere .

Quod si prædicti , ad quos cura Tabellæ , Capsæ , & librorum præfatorum respectivè pertinet , seu pertinere debet , suam operam præmissis , ut præfertur , minime navaverint ,

& Superiores , tum Sæcularium , tum Regulareum Ecclesiarum rationem prædictam non exegerint , seu non invigilaverint , quod præfati , qui in curam Tabellarum , & librorum incumbunt suo muneri , ut præfertur , satisfaciant , in singulis respectivè casibus Sæculares pœnam suspensionis incurvant ; Regulares verò voce activa , & passiva , ac gradibus , & Officiis , quæ obtinent ipso facto , & absque alia declaratione privati sint , & intelligantur , nec non ad hujusmodi gradus , & Officia obtinenda similiter inhabilitentur , & inhabilitati sint , & intelligantur .

Forrò , ne ullo unquam tempore omnia , & singula Decreta prædicta in oblivionem , seu desuetudinem abeant , Rectores , Superiores , seu Capitula Ecclesiarum Sæcularium illa retineant publicè exposita in eorum Sacrario ; Superiores verò Locales cujuscumque Monasterii , Conventus , ac Domus Regularis curare , & efficere teneantur sub pœna privationis Officiorum , quæ obtinent , vocisque activæ , & passivæ ipso facto incurrienda , ut in perpetuum sexto quoque mense , idest feria secunda post primam Dominicam Adventus , & feria sexta post Octavam Corporis Christi , omnes & singulæ præmissæ tum insertæ , seu confirmatæ , tum in præsens factæ Ordinationes , una cum dictis declarationibus in publica Mensa perlegantur .

Meminerint igitur , & satagant Ordinarii , ut à personis , & in Ecclesiis quoquomodo etiam in vim Decretorum Concilii Tridentini sibi subjectis , Missæ ea , qua pars est , fide , & diligentia celebrentur , & cuncta , & singula Decreta hujusmodi omnimodæ executioni demandentur , nedum justitiam recurrentibus , seu instantibus reddentes , sed ex Officio tum

in Visitationibus , tum in aliis actibus , & modis , quos expedire , & convenire tories , quoties judicaverint inquirentes , ne aliquid committatur , pervertatur , differatur , vel omitatur , quod his omnibus , & singulis Decretis aduersetur .

Caveant etiam respectivè omnes Regulares tum subditi , tum Superiores quicumque , nem non locales , sed etiam Provinciales , & Generales , ne Missarum celebratio , & omnium Decretorum præmissorum executio , cum pernicie propriarum animarum , cum præjudicio illarum , quibus Missæ sunt applicandæ , & cum magno Christi fidelium scandalo quoquo modo omittantur , differantur , negligantur , seu pervertantur , alioquin ultra propriæ conscientiæ onerationem , pœnam privationis vocis activæ , & passivæ , ac graduum , & Officiorum , quæ obtinent , nec non inhabilitationis ad hujusmodi gradus , & Officia obtinenda prorsus incurant .

Curent propterea præfati Superiores Regulares in omnes , & singulos Contravenientes debitæ pœnis diligenter , & promptè etiam per inquisitionem animadvertere , & insuper teneantur omnes , & singuli Superiores locales in Provincialibus Capitulis , seu Congregacionibus exhibere attestationem , seu fidem ab omnibus Sacerdotibus Conventus , Monasterii , seu cujuscumque Domus regularis subscriptam , & juratam , quod omnibus , & singulis tum perpetuis , tum manualibus Missarum oneribus , seu obligationibus ad limites , & tenorem præsentium Decretorum tempore eorum regiminis fuerit omnino , & integraliter satisfactum , vel deficiente aliqua modica satisfactione , possit etiam hujusmodi residuali implemento Missarum distinctè referendarum

intra breve tempus moraliter satisficeri, ea adjecta, & omnino adimplenda conditione, quod ante praefatae attestationis exhibitionem quicunque Superiores locales predicti vocem activam, seu passivam in memoratis Capitulis, seu Congregationibus omnino habere non valent.

Præterea Provinciales, Vicarii, & Visitatores Provinciarum, seu Congregationum debebunt in fine eorum regiminis Superioribus Generalibus in forma probante ostendere, quod executioni praesentium Decretorum sedulo invigilaverint, & ad eorum tenorem in omnibus, & singulis Conventibus, seu Monasteriis, vel Domibus Regularibus Provinciæ, seu Congregationis de omnibus, & singulis oneribus, & obligationibus, ac insimul satisfactionibus Missarum exactam, & diligentem rationem exegerint, ac contra delinquentes ad declarationem, & executionem respectivè pœnarum in Decretis contentarum processerint, & de adimplemento circa ea, quæ in præmissis ad ipsos spectant legitimè docuerint, aliàs ad vocem activam, & passivam in Capitulis Generalibus nullatenus admittantur.

Cæterum, quia etiam ad quamplures Archiconfraternitates, Confraternitates, Sociates, Congregations, Hospitalia, Altaria, Capellas, Oratoria, & Ecclesias, ac alia loca, & opera pia quomodolibet nuncupata, quæ cuicunque curæ, seu regimini, aut administrationi, vel directioni Laïcorum cuiuslibet gradus, status, conditionis, & præminentiae etiam speciali, & individuali nota dignorum dumtaxat, vel quorumcumque Ecclesiasticorum, & Laïcorum hujusmodi mixtum commendata, annexa, seu quomodocumque commissa, vel attributa sunt, quibus, seu qua-

celebrationis Missarum , sive manualium , sive ad tempus , vel in perpetuum pertinet ; hinc salvis semper iis , quae in præsertim Decretis continentur omnes , & quicunque hujusmodi Archiconfraternitatum , Societatum , Congregationum , Hospitalium , Altarium , Capellarum , Oratoriorum , & Ecclesiarum , ac aliorum locorum , & operum piorum Rectores , seu Administratores , vel Directores , & alii hujusmodi Officiales , nec non ii , ad quos Cura Tabellæ , & librorum in præmissis , spectat , Tabellam , libros , & hæc Decreta respectivè juxta modos superius expressos , similiiter retinere , nec non de oneribus , ac celebrationibus , & eleemosynis dictarum Missarum singulis annis rationem exigere , & respectivè is , ad quos pertinet , reddere sub poenâ arbitrio , & in subsidium excommunicationis teneantur .

Postremo omnibus , & quibuscumque tam Ecclesiasticis personis cuiuscumque Ordinis , status , gradus , Regulæ , Congregationis , Societatis , conditionis , & dignitatis existant , quam Laicis quocumque honore , ac potestate præditis omnia , & singula præmissa Decreta interpretandi , nec non Ecclesiasticis prædictis poenas in hujusmodi Decretis relaxandi , seu quoquomodo circa præmissa dispensandi , omnis , & quæcumque facultas sit penitus interdicta .

Non obstantibus quoad supra scripta omnia , & singula in hujusmodi Decretis contenta , Constitutionibus , & ordinationibus Apostolicis in favorem quarumcumque personarum , atque Ordinum tam Mendicantium , quam non Mendicantium , Militiarum etiam S. Joannis Hierosolymitani , Congregationum , Societatum , ac cujuslibet alterius Instituti etiam

300 *Bulla Innocentii XII.*

necessariò , & in individuo exprimendi , Ecclesiarum , Monasteriorum , Conventuum , Collegiorum , Capitulorum , Hospitalium , Confraternitatum , & aliorum quorumcumque tam Sæcularium quam Regularium locorum , nec non illorum etiam juramento , confirmatione Apostolica , vel quavis firmitate alia robortis statutis , & consuetudinibus etiam immemorabilibus , Privilegiis quoque , indultis , & litteris Apostolicis etiam Mari magno , seu Bulla aurea , aut alias nuncupatis sub quibuscumque tenoribus , & formis , ac cum quibusvis etiam derogatoriis derogatoriis , aliisque efficacioribus , & insolitis clausulis , nec non irritantibus Decretis etiam Motu proprio , & ex certa scientia , ac de Apostolicae potestatis plenitudine , aut alias quomodolibet etiam per viam communicationis , seu extensionis concessis , & iteratis vicibus approbatis , & innovatis , etiamsi pro illorum sufficienti derogatione de illis , eorumque totis tenoribus , & formis specialis , & individua , ac de verbo ad verbum , non autem per clausulas generales , mentio , seu quævis alia expressio habenda , aut aliqua alia exquisita forma servanda esset , tenores hujusmodi , ac si de verbo ad verbum nihil penitus omisso , & forma in illis tradita observata , inserti forent , præsentibus pro expressis habens , quibus quoad ea , quæ præsentibus adversantur , illis alias in suo robore permansuris , sacra Congregatio Sanctitatis suæ auctoritate specialiter , & expressè derogat , cæterisque contrariis quibuscumque . Datum Romæ die 23. Novembris 1697.

Joseph Card. Sacripantes Præfct.

Ferdinandus Nuptius Sac. Congr. Scen.

Quocirca , cùm dilectus filius noster Joseph
Tituli S. Mariæ Transpontinæ S. R. E. Pres-
byter Cardinalis Sacripantes , memoratæ Con-
gregationis Præfector , præfata Decreta nobis
retulerit , nos considerantes eadem omnia , &
singula Decreta , ea qua decet maturitate di-
gesta , & examinata , ac in vim Apostolicæ
auctoritatis , eidem Congregationi specialiter,
ut præfertur , attributæ peracta , per-utilia
fore censentes , illaque propterā perpetuò , &
inviolabiliter observari , nec non Constitutio-
nis nostræ munimine robore volentes : Motu
proprio , non ad cujusquam nobis super hoc
oblatæ petitionis instantiam , sed ex certa scien-
tia , & matura deliberatione , deque Aposto-
licæ potestatis plenitudine præinserra Decreta ,
omniaque , & singula in eis contenta tenore
præsentium auctoritate Apostolica confirma-
mus , & approbamus , illisque inviolabilis , &
irrefragabilis Apostolicæ firmitatis robur , &
efficaciam adjicimus ; quinimò motu , scien-
tia , deliberatione , ac potestatis plenitudine
similibus omnia , & singula in supradictis De-
cretis contenta , de novo statamus , decerni-
mus , & ordinamus , ac ab omnibus , & qui-
buscumque , etiam speciali , & individua nota
dignis omnino exactè , & perpetuò servari vo-
lumus , sancimus , & mandamus .

Decernentes præsentes litteras , cum omni-
bus , & singulis inibi contentis semper firmas ,
validas , & efficaces existere , & fore , suos-
que plenarios , & integros effectus sortiri , &
obtinere debere , & ab omnibus , ad quos
spectat , & pro tempore quandocumque , &
quomodocumque spectabit in omnibus , & per
omnia p' enissimè , & inviolabiliter observari ,
sicque , & non aliter per quoscumque Judices
Ordinarios , & delegatos , quavis auctoritate ,

præminentia , aut potestate fungentes , & functuros , etiam causarum Palatii Apostolici Auditores , ac ejusdem S. R. E. Cardinales , etiam de Latere Legatos , & Sedis Apostolicæ Nuncios , sublata eis , & eorum cuilibet quavis aliter judicandi , & interpretandi facultate , judicari , & definiti debere ; ac irritum , & inane si secùs super his à quoquam , quavis authoritate scienter , vel ignoranter contigerit , attentari .

Non obstantibus omnibus , & singulis , quæ præfata Congregatio , auctoritate per ejusdem recordationis Urbanum Papam VIII. & respectivè per nos illi specialiter attributa , decrevit non obstatre , quæ pariter , & iterum nos tenore præsentium non obstatre decernimus , & mandamus , quibus omnibus quoad ea , quæ præsentibus adversantur , illis , aliàs in suo robore permansuris , etiam harum serie plenissimè , specialiter , & expressè derogamus , ceterisque contrariis quibuscumque .

Volumus autem , ut præsentes litteræ in valvis Ecclesiæ Lateranensis , ac Basilicæ Principis Apostolorum , nec non Cancellariæ Apostolicæ , Curiæque generalis in Monte Citorio , ac in acie Campi Floræ de Utbe , ut moris est publicentur , & affigantur , siveque publicatae , & affixaे , omnes , & singulos , quos illæ concernunt perinde arctent , & afficiant , ac si unicuique eorum personaliter intimatæ fuissent .

Pariterque , ut earundem præsentium transumptis impressis , manu alicuius Notarii publici subscriptis , & sigillo personæ in dignitate Ecclesiastica constitutæ munitis , eadem protinus fides adhibetur , quæ præsentibus adhibetur , si forent exhibitæ , vel ostensæ .

Nulli ergo omnino hominum liceat , paginam hanc nostrarum Confirmationis , Appro-

De celebratione Missarum. 303

bationis, Statuti, Decretorum, Ordinationis, Voluntatis, Sanctionis, Mandatorum, & Derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. Romæ apud S. Mariam Majorem Anno Incarnationis Dominicæ 1697. decimo Kal. Januar. Pontificatus Nostri Anno septimo.

B. Card. Prodat. J. F. Card. Albanus.

Visa de Curia J. Ciampinus.

J. Catallus.

Registrata in Secretaria Brevium.

Anno à Nativitate D. N. Iesu-Christi millesimo sexcentesimo nonagesimo octavo Indictione sexta, die vero tertia Januarii, Pontificatus autem Sanctissimi in Christo Patris, & D. N. D. Innocentii divina Providentia PP. XII. anno septimo; supradicta Constitutio affixa, & publicata fuit ad valvas Basilarum S. Joannis Lateran. Principis Apostolorum, Curia Innocentiana, Cancellaria Apost. in acie Campi Flora, & in aliis locis solitis, & consuetis Vrbis, per me Joannem Baptistum de Cappellis ejusdem Sanctissimi Domini Nostri Papa Cursorem.

Franciscus Antonius Simoncellus Mag.
Curſ.



DECRETUM

*Sacra Congregationis Concilii super applica-
tione Sacrificii à Parochis.*

IN LUCANA.

CUM præcepto Divino iis, quibus Animarum cura commissa est, mandatum sit pro Ovibus suis Sacrificium offerre, sæpe alias sacra Congr. Concilii censuit, Parochos teneri pro Parochianis Sacrificium applicare, atque ea cum distinctione, ut si reditus pingues sint, singulis diebus, si verò tenues saltem diebus festivis. Idem nunc censet quoad Parochos istius Civitatis, & Diœcesis, &c. Romæ 10. Maii 1681.

F. Card. Columna.

Steph. Archiep. Brancaccius S. C. Secr.

*Et hoc etiam habetur ex Trid. sess. 23. de
refor. Sac. Cong. Conc. in Civit. Castellan.
26. Aug. 1628. & 1. Septemb. 1629. ac Hy-
druntin. 13. Februarii 1639. Romana 17. Julii
1649. Clusin. 5. Julii 1670.*

DECRETUM GENERALE

De Reliquiis Insignibus.

CUM Sac. Rituum Congregationi inno-
tuerit, quamplures abusus irrepsisse circa
recitationem Officii, sub prætextu Decreti ab
eadem Congregatione evulgati anno 1630.
& in Breviario Romano impressi, in quo per-
mittitur, posse in Ecclesia recitari Officia, &
Missas celebrari de illis Sanctis, quorum Cor-
pora, aut Reliquiæ insignes in ea asservantur.

Eminentissimi Patres eidem sacræ Congregationi Præpositi iisdem abusibus evellendis præcipuè intenti, inhærendo Decretis alias in similibus editis, declararunt prædicta Officia Sanctorum ratione Corporis, seu insignis Reliquiæ recitanda, intelligi debere de Sanctis dumtaxat in Martyrologio Romano descriptis, & dummodò constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus. De cæteris autem Sanctis in prædicto Martyrologio non descriptis, aut quibus à Sancta sede non fuit specialiter concessum, Officia recitari, & Missas celebrari vetuerunt, non obstante, quod ipsorum Corpora, vel insignes Reliquiæ in Ecclesiis asserventur: Quibus tamen ab Ordinariis locorum approbatis, debitam Fidelium venerationem [prout hactenus servatum est] exhibendam esse censuerunt, sed absque Officio, & Missa, sub pœnis de non satisfaciendo præcepto recitandi Officium, aliquique in Constitutione Beati Pii V. contentis die 11. Augusti 1691.

Et facta de prædictis Sanctissimo per me Secretarium relatione, Sanctitas sua hujusmodi Decretum approbavit, ac ut debitæ exequutioni demandetur, locorum Ordinariis injungendum esse præcepit die 19. Octobris ejusdem anni 1691.

A. Card. Cybo.

Loco † Sigilli.

B. Inghiramus Sac. Rit. Congr. Seer.

D E C R E T U M

*Alexandri VIII. circa translationem Festi
Annunciationis B. Virginis, & Missas
privatas in Sabbato sancto.*

CUM Sabbato sancto proximè futuro ocurrat Festum Annunciationis B. M. V. dubitatum fuit, an debeant celebrari Missæ privatæ ad effectum, ut Christi fideles commodè satisfacere possint præcepto audiendi Missam. Et Sac. Rituum Congregatio ad relationem Eminentissimi & Reverendissimi D. Cardinalis Colloredi, re matuè perpensa, censuit prædictum Festum Annunciationis, unà cum præcepto audiendi Missam, & vacandi ab operibus in Ecclesia Universali transferri debere ad Feriam secundam post Dominicam in Albis, protractis omnibus aliis Festis, quæ non sunt altioris ritus ad aliam diem, juxta rubricas Breviarii Romani. Celebrationem quoque Missarum dicto die Sabbati sancti omnino prohibendam in quibuscumque Ecclesiis, & Oratoriis privatis, non obstante quacumque consuetudine in contrarium, & unicam Missam Conventualem, unà cum Officio ejusdem Sabbati sancti celebrandam fore præcepit, si SS. D. N. placuerit, hac die 11. Febr. 1690.

Et facto de prædictis per me Secretarium verbo cum Sanctissimo, Sanctitas sua benignè annuit, sensum sacræ Congregationis approbavit, ac prælens Decretum edi, & imprimi mandavit, hac die 12. Februarii 1690.

A. Card. Cybo.
Loco † Sigilli.

Laur. Fliscus Secr.

ALIVD DECRETVM.
super idem.

SActorum Rituum Congreg. ad tollenda dubia exorta super celebratiōne Festi sanctissimæ Annunciationis B. M. V. in Feria 6. Parascevæ, vel in Sabbato sancto occurrentis, declarando Decretum editum die 11. Februarii prædicti, decrevit Festum Annunciationis in casu proposito, unà cum præcepto audiendi Missam, & vacandi ab operibus in Ecclesia Universali transferri debere ad Feriam secundam post Dominicam in Albis, etiam quo-cumque alio Festo impeditam, itaut eadem Feria prædicto casu eveniente perpetuis futuriis temporibus pro sede propria, fixa memorato Festo Annunciationis assignata, & stabilita intelligatur, & in illa eo prorsus modo, & forma præfatum Festum quoad Officium, & Missam celebretur, quibus propria die 25. Martii in Kalendario Romano appositum celebraretur, protractis ad aliam diem non impeditam, juxta Rubricas Breviarii Romani omnibus aliis Festis in eadem Feria occurrentibus, quæ non sint altioris ritus. Ac ita declaravit, & si Sanctissimo placuerit servari præcepit.

Firmo in reliquis remanente prædicto Decreto edito die 11. Febr. nempè quod in Sabbato sancto celebrationes Missarum privatarum omnino prohibeantur in quibuscumque Ecclesiis, & Oratoriis privatis, non obstante quacumque contraria consuetudine, & unica tantum Missa Conventualis, unà cum Officio ejusdem Sabbati sancti celebretur. Die 11. Martii 1690.

Et facta de prædictis Sanctissimo per me Secretarium relatione, Sanctitas sua annuit, prædictamque declarationem laudavit, & ap-

308 *Varia summorum Pont.*
probavit, ac præsens Decretum imprimi, &
evulgari mandavit, die 11. Martii 1690.

A. Episc. Ostien. Card. Cybo.
Loco † Sigilli.

Laur. Fliscus Secret.

DECRETUM GENERALE.

*De Festivitate S. Josephi occurrente in Feria
quinta majoris hebdomadae.*

CUM anno proximè venturo occurrat
Festum S. Josephi in Feria v. majoris
hebdomadæ, exortum fuit dubium attenta uni-
versali consuetudine Ecclesiæ celebrandi eo die
unam tantum Missam, an unâ cum Officio
ipsius S. Josephi transferri debeat anno præ-
dicto etiam obligatio audiendi Missam, ac va-
candi ab operibus servilibus; dubioque hujus-
modi in Sacrorum Rituum Congregatione
proposito, eadem Congregatio ad relationem
Eminentissimi & Reverendissimi D. Card. Al-
bani re mature discussa censuit Officium trans-
ferendum esse ad aliam diem juxta Rubricas
Breviarii Romani, & Decreta ipsius Congre-
gationis; cæterum præceptum audiendi Mis-
sam, & vacandi ab operibus prædictis non esse
transferendum, sed servandum esse in prædic-
ta Feria v. majoris hebdomadæ; adeoque per
Ordinarios locorum accurate providendum, ut
eo die aliquæ quidem Missæ privatæ ante cele-
brationem solitæ Missæ Conventualis celebren-
dæ pro præcepti adimplemento non desint, sed
tamen propterea antiquus mos Communionis
Cleri in Missa solemni ejus diei, quo Ecclesia
Sanctissimi Eucharistiae Sacramenti institutio-
nem, & memoriam recolit, summa religione
haetenus detentus, nullatenus omittatur, &

& sacra Congreg. Decreta. 309

ira declaravit , ac Decretum hujusmodi publi-
cari , & imprimi mandavit. Die 13. Septem-
bris 1692.

A. Episc. Ostien. Card. Cybo.

Loco † Sigilli.

J. Vallemarus Sac. Rit. Congr. Secr.

D E C R E T U M.

*De non anticipanda Vigilia S. Matthiae
ratione carnis-privii.*

QUæstum fuit , à Sacrorum Rituum Con-
gregacione declarari ; an Vigilia S. Ma-
thiae Apostoli , occurrens hoc anno in Feria
tertia post Dominicam quinquagesimæ , possit
ratione carnis-privii anticipari cum jejunio. Et
eadem sacra Congregatio respondit , Negati-
vè , & jejunium prædicta Feria omnino fer-
vandum. Die 23. Januarii 1694.

A. Card. Cybo.

Locus † Sigilli.

B. Inghiramus S. Rituum Congr. Secr.



CVM non pauci desideraverint,
ut Casus Practici effermarentur,
& ex Theologia Morali, ad faciliorem
plurium instructionem in praxi, velut
eruerentur; id ab aliquibus annis per-
actum fuit in materia Sacramentorum,
que in Tomo tertio continetur: cùnque
hi Casus non inutiles visi sint, præser-
tim Romæ, pro Conferentiis seu colla-
tionibus moralibus; illos hinc attexere
congruum duxi, ut, si ita sapientioribus
visum fuerit, ex aliis etiam Theologia
Moralis Tomis continuari possint ad
Confessariorum utilitatem.